

# JUT

<sup>1</sup> E Jut. E Yesus Kristus aqa wau tamo. E Jems aqa was. E anjam endi nenngrenyosim ningi tamo unngasari Qotei na metnnej qaji nunngoq qarinyonum. Abu Qotei na ningi qalaqalaingeqnu. Yesus Kristus a segi na ningi taqatngeqnu. <sup>2</sup> Qotei a ningi qa tulan dulosim qalaqalaingimqa ningi geregere lawo na soqniy.

*Jeu tamo nanngi uliosib Kristen nanngo ambleq aiyeb*

<sup>3</sup> O ijo was bole, Qotei na ningi e ti padalo sawaq na elenej. Qotei aqa wau deqa e na nenngrenyosiy nunngoq qarinyqajqa are koba unu. Ariya e anjam bei dego nenngrenyosiy nunngoq qarinyqajqa are unu. Anjam agiende. Gago areqalo Yesus qa singilatam qaji di jeu tamo nanngi na ugeugeiyqa laqnub. Deqa ningi na tamo nanngi di gotranjnroqniy. Ningi qalie, Qotei na gam waqtetgonaga iga Yesus qa gago areqalo singilatam. Iga Qotei aqa tamo unngasari unum deqa tamo bei na gago areqalo di ugeugeiyqa keresai. <sup>4</sup> O ijo was, tamo qudei nanngi uliosib nunngo ambleq aiyeb. Qotei a nami tamo nanngi deqa endegsi marej, “Mondon e nanngo une qa peginjrsiy padaltnjrqi.” Od, tamo nanngi di Qotei qoreiyeqnub. Qotei a iga qa are boleiyeqnu aqa kumbra di tamo nanngi dena olo bubulyoqnsib mareqnub, “Qotei a iga qa are boleiyeqnu deqa unngum, iga kumbra uge uge yoqnqom.” Nanngi

degsib maroqnsib gago Gate Koba Yesus Kristus qoreiyeqnub.

<sup>5</sup> Ningi qalie, nami Israel nanği Isip sawaq di sonabqa Tamo Koba a nanği joqsiq sawa beiq gilej. Joqsiq gilsiq ariya nanği qudei a qa nanžo areqalo sinğilatosai deqa a na nanği padaltnjrej. E nunžo are tigeltetnğitqa ningi Israel nanžo kumbra deqa are qaliy. <sup>6</sup> Ningi lan anğro uge uge nanği qa dego are qaliy. Tulan nami nanği lan qureq di Qotei aqa wau ojoqnsib olo lan qure uratosib jaraiyeb. Deqa Qotei na nanği ojelenosiq sawa ambruq di breinjrsiq tontnjrej. Nanği sawa dia tariņsokobaiyib mondoņ diņo batiamqa Qotei na nanği olo osimqa nanžo une qa nanği peginjrqas. <sup>7</sup> Nami Sodom ti Gomora ti qure kalil jojom di soqneb qaji nanği ti lan anğro uge uge nanžo kumbra di dauryoqnsib sambala kumbra tulan ugedamu yoqneb. Nanžo sambala kumbra di tulan bei. Deqa mondoņ Qotei na nanği nıamyuwoq di breinjrim nanği bati gaigai dia sqab.

Qotei na nanği degsim padaltnjrqas deqa iga ulaoqnsim nanžo kumbra uge di dauryqa uratqom. <sup>8</sup> Ariya tamo nanği nunžo ambleq aiyeb qaji nanği dego kumbra uge deqaji dauryeqnub. Agi nanği nıeıobilqeoqnsib dena nanžo segi jejamu jiga yeqnub. Osib Qotei a nanžo Tamo Koba sqajqa deqa asğinjreqnaqa olo diqoqnsib Qotei aqa lan anğro kokba nanği misilinjreqnub. <sup>9</sup> Lan anğro gate Maikel a kumbra degyosaieqnu. A nami Satan ombla nıriņosib nanği Moses aqa qusa oqajqa deqa anjam na qotoqnsib ariya Maikel a Satan misilinıyosai. A Satan misilinıyqa uratosiq minjej, “Tamo Koba a segi na ni saidmim

medabu getentqam.” <sup>10</sup>Tamo nanği nunğo ambleq aiye b qaji nanği di tulañ diqoqnsib kumbra nanği poinjrosai qaji di olo misilinıyeqñub. Nanği wagne juwañ bul tulañ nanarioqnsib nanğo segi jejamu qa areboleboleinjreqnu. Nanğo kumbra deqa mondoñ Qotei na nanği ñumougetqas. <sup>11</sup>Od, tamo nanği di tulañ padalougetqab. Kein a nami kumbra uge yoqnej dego kere tamo nanği di Kein dauryosib kumbra uge yeqñub. Nanği silali koba oqajqa deqa maroqnsib gam grotoqnsib Balam aqa kumbra uge dauryosib laqñub. Kora agi nami Qotei aqa anjam gotrañoqnej qaji aqa kumbra uge dego nanği dauryeqñub. Deqa nanği padalougetqab.

<sup>12</sup>Tamo nanği di tulañ ugedamu. Niñgi inği uyqa korooqnsibqa Qotei aqa qalaqalaiyo kumbra dauryqa oqnsib awoeqñab tamo nanği di uli na boqñsib nunğo ambleq di kumbra tulañ jigat yeqñub. Nanği kumbra di yqajqa jemainjrosai eqnu. Nanği nanğo segi jejamu qa are qaleqñub. Jagwa na awa puyeqnaqa urur koboeqñu dego kere tamo nanği di kumbra bole bei babtosaieqñub. Qura geitqa batieqnaqa a geitosaieqñu dego kere tamo nanği di kumbra bole bei babtosaieqñub. Iga ñamtañ moiyo otoroqñsim taqal breinjreqnum dego kere tamo nanği di Qotei na osim sawa ugeq di breinjraqas. Deqa mondoñ nanği moiyougetosib torei padalqab. <sup>13</sup>Jagwa na yuwal tigelteqnaqa yuwal korkortoqñsiq morman aiyeqñu dego kere tamo nanği di kumbra uge uge babtelenoqnsib nanği nanğo kumbra uge deqa jemainjrosai eqnu. Nanği bongar bul dego unub. Agi bongar nanği lañ goge di gam grotoqñsib laña laña laqñub. Deqa

mondonj Qotei na tamo nanđi di breinjrim sawa ambruq aiyelenosib bati gaigai dia sqab. Sawa ambru di Qotei na nami nanđi gereiyetnjrej unu.

<sup>14</sup> Nami Enok a Qotei aqa medabu osiqa tamo uge nanđi deqa anjam maroqnej. A Adam aqa silei 7q dena nambabej. A anjam bei endegsi marej, “Niňgi uniy. Mondonj Tamo Koba a na aqa segi lanj anđro tulanj gargekoba nanđi joqsim bqas.

<sup>15</sup> Bosim tamo kalil a qoreiyeqñub qaji nanđo une qa peginjrsim ugeugeinjrqas. Osim nanđo kumbra uge uge kalil nanđi osornjrimqa nanđi deqa are koba qalsib gulbe kokba oqab. Tamo nanđi di Qotei qa misilij anjam koba maroqñsib kumbra ugedamu yeqñub. Deqa Qotei na nanđi gulbe tulanj kokba enjrqas.” Enok a nami anjam degsi marej. <sup>16</sup> Tamo nanđi di gaigai ulatamu ugeinjreqnaqa tamo nanđo jejamuq di anjam lanja lanja qamelenjoqñsib nanđo segi areqalo uge uge dauryeqñub. Nanđi nanđo medabu waqtoqñsib diqoqñsib nanđo segi ñam soqteqñub. Osib tamo uňgasari nanđi walawalainjreqñab nanđi na nanđi daurnjreqñub.

*Nunđo areqalo Qotei qa siňgilateqñub qaji di niňgi ojesoqñiy*

<sup>17</sup> Ariya ijo was bole, niňgi kumbra mondonj brantqas qaji deqa are qaloqñiy. Gago Tamo Koba Yesus Kristus a na aqa anjam maro tamo nanđi qarinjreqnaqa nunđoq boqñsib kumbra deqa mernđoqñeb. Nanđo anjam deqa niňgi olo are qaloqñiy. <sup>18</sup> Agi nanđi anjam endegsib mernđoqñeb, “Mondonj diňo bati jojomamqa meqe meqem tamo nanđi boqñsib Qotei qoreiyoqñsib

nango segi areqalo uge uge dauryoqnqab.” <sup>19</sup> O ijo was kalil, meqe meqem tamo nanği dena Kristen nanği potoaiyeltnjreqnub. Osib mandam qa inği inği qa are koba qaleqnub. Qotei aqa Mondor a nanğoq di sosai deqa nanği kumbra uge di yeqnub.

<sup>20</sup> Ariya ijo was bole, nunğo areqalo Qotei qa sinğilateqnub qaji di ninği ojesosibqa dena ninği tulanğ sinğilaqab. Osib ninği Mondor Bole aqa sinğila na pailyoqnuy. <sup>21</sup> Qotei a ninği qalaqalaingeqnu deqa ninği a beteryesoqnuy. Yimqa a gaigai ninği qalaqalaingeqnas. Ninği gago Tamo Koba Yesus Kristus a iga qa dulqajqa tarinğoqnuy. Ninği degyqab di ninği nambile gaigai sqab. <sup>22</sup> Tamo qudei Yesus qa nango areqalo sinğilateqnub qaji nango areqalo olo gulbeinjreqnu. Deqa ninği nanği qa duloqnuy. <sup>23</sup> Tamo qudei nanği une ti unub deqa nanği namyuwoq aiqa laqnub. Deqa ninği nanği urur minjribqa nanği nango une uratosib are bulyqab. Osib deqa nanği namyuwoq aiqasai. Qotei na nanği elenqas. Tamo qudei nanği nango areqalo namij dauryeqnub deqa nanği gara sari bulosib tulanğ jiga ti unub. Deqa ninği nanği qa olo duloqnsib nango une qa ulaosib kumbra jıgat deqaji kalil uratosib sasaloiy.

### *Iga Qotei aqa ñam soqtoqnqom*

<sup>24</sup> O ijo was kalil, Qotei na ninği taqatnğimqa ninği ulonqasai. Mondonğ a na ninği joqsim lanğ qureq osi oqimqa ninği aqa rianğ unsib une saiqoji sqab. Bati deqa ninği tulanğ areboleboleinğim sqab. <sup>25</sup> Qotei a segi qujai Qotei bole. A gago Tamo Koba Yesus Kristus aqa wau na iga elenğej. Deqa iga aqa ñam soqtoqnqom. A gago Mandor Koba sinğila ti

unu qaji. A na inği inği kalil taqatejunu. A nami  
degsi soqnej. A bini degsi unu. A bati gaigai degsi  
sqas. Bole.

**Yesus Aqa Anjam Bole 2014**  
**The New Testament in the Anjam language of Papua**  
**New Guinea, 2014 revision**  
**Nupela Testamen long tokples Anjam long Niugini, 2014**  
copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

---

PDF generated using Haiola and XeLaTeX on 3 Mar 2023 from source files dated 9 Oct 2020

0eb339dc-c20a-5065-9483-338933d97585